



Pancaindera yang Dimanfaatkan

1. Murid baca dengan bertajwid
2. Sesungguhnya Kami jadikan untuk penghuni neraka jahanam ramai daripada golongan jin dan manusia. Mereka mempunyai hati tetapi tidak mahu memahami (ayat Allah) dengannya dan yang mempunyai mata tetapi tidak mahu melihat (bukti keesaan Allah) dengannya serta yang mempunyai telinga tetapi tidak mahu mendengar (ajaran dan nasihat). Mereka itu (diumpamakan) binatang ternakan, bahkan lebih sesat lagi mereka itulah golongan yang lalai.
3. Penghuni neraka terdiri daripada jin dan manusia yang mempunyai hati tetapi tidak mahu memahami ayat-ayat Allah, mempunyai mata tetapi tidak mahu melihat bukti keesaan Allah dan mempunyai telinga tetapi tidak mahu mendengar ajaran serta nasihat mengenai agama.
4. (a) Memahami ayat-ayat al-Quran dan hadis Rasulullah
(b) Melihat kejadian Tuhan sebagai bukti kekuasaan-Nya
(c) Mendengar perkara yang memberi manfaat dan kebaikan
5. (a) Kita hendaklah memanfaatkan hati, mata dan telinga kerana semuanya adalah amanah Allah kepada manusia.
(b) Kita hendaklah mengelakkan diri daripada menjadi orang lalai agar tidak diazab oleh Allah.
(c) Kita hendaklah melaksanakan segala perintah Allah agar dapat menghindari diri daripada neraka.
6. Aktiviti murid

POWER PT3

Bahagian B

1. (a) (i) jin
(ii) munafik
(iii) kebenaran
(iv) lalai

- (b) Penggunaan anugerah Allah dengan betul akan mewujudkan masyarakat yang bertanggungjawab dan dihormati seterusnya mendapat keberkatan hidup dari Allah SWT.
- (c) Mata melihat kebesaran Allah dan hati akan mengakuinya. Sebagai contoh, melihat keindahan tumbuh-tumbuhan akan menyebabkan seseorang mengakui Allah Maha Bijaksana. Hal ini membuktikan bahawa Allah akan memberi hidayah kepada orang yang beriman kepadanya.

POWER KBAT

1. Anugerah Allah SWT yang dikurniakan kepada manusia hendaklah digunakan ke jalan yang baik dan berfaedah. Jika disalahgunakan pasti mengundang malapetaka kepada masyarakat. Contohnya, penggunaan nikmat telinga dengan betul seperti mendengar perkara yang baik dan berfaedah dapat mengelakkan masyarakat daripada unsur fitnah yang membahayakan. Oleh itu, kita hendaklah sentiasa bijak menggunakan nikmat-Nya supaya umat Islam sentiasa dalam suasana harmoni.
2. Penggunaan nikmat mata dengan betul seperti melihat perkara yang bermanfaat dapat mengelakkan masyarakat daripada perbuatan dosa seperti zina mata. Hal ini secara tidak langsung akan membolehkan negara terhindar daripada masalah gejala sosial. Oleh itu, kita hendaklah sentiasa menggunakan nikmat-Nya dengan betul supaya umat Islam dapat terhindar daripada melakukan perbuatan yang membawa kepada masalah sosial.
3. Saya akan menggunakan akal fikiran untuk belajar bersungguh-sungguh tanpa mengenal putus asa dan selalu mengulang kaji pelajaran. Dalam hal ini, saya akan memberikan tumpuan yang lebih terhadap mata pelajaran Sains. Oleh itu, saya perlu menggunakan akal yang dikurniakan dengan sebaiknya bagi mencapai cita-cita tersebut.